

四部叢刊

249

四部叢刊初編集部

誠意伯文集
二

卷九至卷二十

據商務印書館一九二六年版重印

四部叢刊初編（二四八—二四九）

太師誠意伯劉文成公集

（二冊）明劉基撰

上海書店印行

上海福州路四二四號

上海影印廠印刷

太師誠意伯劉文成公集卷之九

後學鹿水何鏗編校

賦

述志賦

鮮余生之眇眇兮荷后皇之深仁具五氣以成形兮受明命而為人體乾坤之粹精兮晞日月之景光漱飛泉之華滋兮浥灝露之醇英製杜蘅以為衣兮藉蒹葭之菲菲佩琳瑯之玲瓏兮帶文藻之葳蕤朝濯髮于蘭池兮夕偃息乎瓊苑顙馳騫以遠遊兮及白日之未晚駕輕輶之將將兮服蒼虬之駢駢遵大路以周流兮曳虹蜺之委蛇挾長離而乘鸛兮欸

閭闔之九門豐隆為余先導兮百靈為余駿奔前燭陰以啓
途芳颺凱風使清埃覲北斗于文昌兮朝玉皇于帝臺食玄
圃之丹莢兮澡天潢之芳津激微焱于桂枝兮輕波起而龍
鱗清都不可以久留兮忽乘雲而遐征浮江湖之浩漾兮陵
山嶽之崢嶸野莽蒼以多榛兮路險隘而紆曲揆偷息然而
攫噬兮蝮蛇蜿蜒以當陸鬱忡忡以怵惕兮適皇皇以營營
兩滛滛而不止兮霧黯黯以晝冥烏鵲號以成群兮鳳孤棲
而無所楚屈原之獨醒兮衆皆以之為咎欲振迅以高舉兮
無六翮以奮飛將抑志以從俗兮非余心之所怡長太息以
增歎兮哀時世之異常棄韶夏而非聽兮登櫟休于中堂

軒子以和羹兮臠鮑魚而實俎斲梗楠以給爨兮束荆棘而
為柱施罾麗于丘陵兮怨魴鯉之弗獲虎兕逸于山林兮循
戶庭以求索前蒙叟以指途兮疆楊子使操轅命侏儒令舉
鼎兮荆都盧使守閭歲冉冉而將頽兮日曖曖以就昧松栢
摧而根死兮江河化而為滄秣余馬于不周兮整余轡於樊
桐無著龜以決疑兮迷不知余所從搏扶搖以為輿兮攬列
缺以為輶驂青鸞之芰芰兮超烟靄而上浮梁天津以濟河
兮睇紫微之神闕開明怒目而電視兮魏豹吼而山裂進無
人以為之先容兮欲自獻而不敢氣勃鬱以憑中兮心惻傷
以惓惓過少微而歷明堂兮就軒轅而陳情雷霆砰其隱轡

芳馬辟易而不行訪六符于泰階兮求民極之所在咎繇不
可以作兮競狂直以為罪凌天街以徑度兮造旬始而瞻西
清衆畏讒而卷舌兮孰能白予之忠誠怛慄其無止兮默悄
悄以狐疑要傳說于箕尾兮命靈龜使占之曰有名必有實
兮若形影之相因相福極出自天兮又何尤乎世之人鬲胡
峙而不烹兮旗胡張而弗麾孤不可以射侯兮駟不可以策
而馳衆蠕蠕以朶頤兮若頽波之東趨謂翬翟為弗章兮愛
羸豕之負塗方不可刈而規兮白不可涅而黑悲桂椒之芬
芳兮與朝菌而偕落殷比干之剖心兮時豈不知其為聖人
魯仲尼之過化兮焉役役而無所容其身由彊義而罹殃兮

惠直道而被黜子胥忠而殞命兮伯夷清而不食將登山而
迷路兮欲涉水而無航東西南北安所之兮顧焉擇其所長
神冥冥而不下兮龜又厭而弗告思糾結而不抽兮意恍惚
以震悼忽濫汜以遐舉兮行遊目於大荒羲和不可扳而留
兮恐年歲之弗將駕廣漠而南征兮叫重華于九疑山岑岑
以蔽天兮江淼淼而不可窺邈吾道夫西隤兮聽鳴鳳于岐
陽慨禾黍之離離兮梧桐摧而不生浮龍門以沂河兮訪夏
后之遺跡川瀆混而不分兮鯨鯢起而人立攬騏驎而迴驚
兮謁陶唐之舊京無衣裳以禦寒兮哀蟋蟀之悲鳴心悵悵
以增傷兮神夢夢其若醉淚落落以交流兮憂湛湛而來會

傳說之版築兮無武丁其誰舉夷吾不逢夫鮑叔兮竟淪沒
于囹圄推竭心以服勤兮上介山而立枯種霸越而滅吳兮
終刎頸于屬鏤樂毅升于金臺兮何遁逃而走趙周條侯之
耿介兮卒含怨以餓解忠有蔽而不昭兮道有塞而不行名
不可彊而立兮功不可期而成李斯上書以相秦兮空自陷
於罪尤買臣顯而僂辱兮豈如負薪之無憂魚赴餌以中鈎
兮雉媒媒而膺鏑鳳凰翔于丹穴兮又何患乎矰弋返余旆
之旖旎兮還余車之鞢鞢采薇蕨于山阿兮擷芹藻于水濱
列玄泉以瑩心兮坐素石以怡情聆嚶鳴之悅豫兮翫卉木
之敷榮挹清風之泠泠兮照秋月之娟娟登高丘以詠歌兮

聊逍遙以永年

弔諸葛武侯賦

天地閉塞兮聖賢隱淪大旱焦土兮龍無所用其神當運命
之厄窮兮堯舜且猶有極委厥軀以隨化兮亦哲人之所戚
彼狂猾之縱悖兮履羿莽以滔天亂倫汨典兮流毒為淵夏
少康之不作兮時又無湯與武蔽微不可以食兮焉眾眾而
獨處睠三顧之疑懼兮躋高光之所為鳳凰非梧桐不棲兮
于嗟去此其安歸瞻星芒于渭濱兮豈皇天之叛渙日昃不
可使再中兮指桓靈而慨歎昔尼父之不逢兮寓斧鉞于春
秋誅姦邪於既死兮開日月之昧幽般紛紛以攘奪兮世不

以之為殃民彘泯滅猶一髮兮徵斯人其孰明覽出師之遺
表兮涕淫淫其如雨悲逝者之不回兮覲英風于萬古

弔祖豫州賦

汙池汀滸兮蛙黾樂之大鵬天遊兮燕雀謂女奚為狐狸冠
裳兮梟獍堂宇支離節䟽兮側身無所嗚呼將軍兮管葛之
倫遭逢庸愚兮有志莫伸委棄九鼎兮烹鉶瓦釜截梁為杙
兮束椽為柱偁背泰山兮依倚培塿圭璋砢砢兮沙礫瓊玖
山陵暴骨兮社稷忝離故臣酸嘶兮行人涕洟卧薪嘗膽兮
此維時矣宣光不作兮吁其悲矣烏號之徹札兮無養由以
操之驂騑不逢伯樂兮與驚駘而並馳系曰龍噓而雲兮夫

豈不能自翔鴻鵠舉翮而千里兮又何必懷此鄉魚將思故
淵兮鳥棲思故林吾固知將軍之不忍兮惜庸夫之無心日
蹙蹙以西傾兮時靡靡而就逝雁驚群而喋呷兮鸞鳳反為
所制世治亂之有數兮天亦無如之何也匪將軍之不能兮
惜不幸而逢此時也死有重衿泰山兮繫生民之休戚吾獨
悲夫將軍兮仰玄穹而太息

弔岳將軍賦

木之顛兮其根必傷人之將死兮俞扁以為不祥嗚呼將軍
夫何為哉天地易位兮江河倒流鳳凰天殂兮豺狼冕旒臣
不知有其君兮子不知其有父嗚呼將軍兮獨銜冤而懷苦

離何愛而可親兮忠何辜而可戮父兄且猶不顧兮何忠良
之能育臣竭心以為主兮又何可以為仇也天之所廢不可
植兮亦將軍之尤也烏傷兮而欲殞兮群啞啞而拊翼猿狖
摩于機檻兮羈悲鳴而不食相伊人之有心兮曾鳥獸之不
如忘戴天之大耻兮安峻宇而高居信讒邪之矯枉兮委九
廟于狐狸耳卑辭以臣妾兮苟殘喘以娛嬉焚舟楫于洪流
兮烹驂騶于中路庸夫亦知其至愚兮羗獨迷而弗寤捐薄
軀以報主兮乃忠臣之素心縱狂瞽之弗思兮又何必以之
為禽屈原貞而見逐兮伍子忠而獲戾固將軍之不辰兮哀
中原之蕪穢弔孤墳于湖濱兮見思陵之牛羊寄遙情于悲

歌兮識忘親之不臧

弔秦不華元帥賦

世有作忠以致怨兮曾不知其故然懷先生之耿介兮遭時
命之可憐上壅蔽而不昭兮下貪婪而不貞權不能以自制
兮謀不能以獨成進欲陳而無階兮退欲往而無路忠沉沉
而不白兮心搖搖而不固繫乘黃服鼓車兮騷蹇驢以曳之
賢猛虎于籠檻兮狐狸群而制之衆刻木之枉直兮信讒邪
之流言倒裳以為衣兮涅素以為玄前宕冥今指途兮驅離
婁使從之教養由以彎弧兮繫其肘而引之吁嗟先生兮何
逢時之不振生不能遂其心兮死又抑而不伸姦何為而可

長兮忠何為而可尤尸比干而災惡來兮白日為之昧幽重
曰嗚呼哀哉吾安歸乎猓猓升堂兮騶虞以為妖殪鳳凰而
斲麒麟兮糜梁肉以養梟吠狗遭烹兮捕獮豸醢雄鷄晨鳴
兮衆以為罪忠固不求人知兮於先生其何傷國有忠而不
知兮喟皇天之不祥辭曰莽莽崇丘閭無人兮天高聽遐疏
不得親兮松栢摧折荆棘長兮軒于菴施充佩縗兮浮雲虹
蜺紛縱橫兮上下阻隔幽不能明兮嗟苦先生卒懼殃兮姦
邪矯枉歸罪愆兮咎繇不作誰與平兮跼大噬堯理則然兮麒
麟豺狼不同群兮自古有之吾又何嗟兮

伐寄生賦并序

余山居樹群木嘉果駢植人事錯迕斤斧不修野鳥棲息
糞其上茁異類日夕滋長舊本就悴余覩而悲之乃募趨
捷腰斧鑿升其巔剜條剔根聚其遺而燔之於是老榦挺
立新莢濯如若瘡瘍脫身大姦去國斧鉞之時用大矣哉
作伐寄生賦

天生五材兮資土而成汝獨何為兮附麗以生疣贅蛭蠹兮
枝牽蔓榮瘠人以肥已兮偷以長榮狀似小人之竊據兮謂
城社之可憑觀其陰不庇物材匪中器華不羞于几筵實不
諧於五味來烏鳥之唳聒集虫豸以刺耗果被之而實萎卉
蒙之而本悴壇杏無所容其芬芳甘棠曷能成其蔽芾曹無

庸而有害矧匪健之可置爾乃建脩竿升木末運斤生風以
翦以伐脫纏牽於喬竦落纖蕤之騷屑剝蘚膚以除根敷去
毒而刮骨於是巨蠹既夷新莢載蕃迎春而碧葉雲滃望秋
而碩果星繁信知斧鉞之神用寧能裕蠱以生患也耶嗟夫
農植嘉穀惡草是芟物猶如此人何以堪獨不聞夫三桓競
莢魯君如寄田氏厚施姜陳易位大賈入秦栢駭以亡園謀
既售芊化為黃蠹憑木以槁木姦憑國以盜國鬼居育而人
殞梟寄巢而毋食堅冰戒乎履霜羸豕防其躑躅諒前轍之
昭昭何人心之自惑故曰非其種者鋤而去之信斯言之可
則